



Ilokano

Isagana ti Ubingyo Para iti Maika-7 a Grado Pakaammo Maipapan Kadagiti Rekisito iti Salun-at ti Pagadalan

Agtintinnulong ti Departamento ti Edukasion (HIDOE) ken Salun-at (DOH) iti Estado ti Hawaii kadagiti wagas a pangsaluad ken pangsigurado iti salun-at dagiti ubingtayo. Ti panagbaro ken panagbalasang ti tiempo ti dakkel a panagbalbaliw iti bagi, emosion, ken pannakilangen iti tattao,, ket ti regular nga ibibisita iti mangipapaay iti pannaripato iti salun-at, makatulong tapno malapdan ti ikakaro dagiti isyu iti salun-at.

Ibilbilin ti linteg ti Estado nga amin nga estudiante, umawat iti **pisikal nga eksaminasion** ken **imiunisasion** sakbay a sumrek iti maikapito a grado.

Ania ti masapul nga aramidem:

- Awagan itan ti mangipapaay iti pannaripato ti salun-at ti ubingmo tapno mayiskediul ti oras ti ibibisita para iti pisikal a pannakaeksamen, kas paset ti regular nga ibibisita iti doktor
- Itugot ti nakalukon a Rekord iti Salun-at ti Estudiante (Pormulario14) iti oras ti ibibisita. Bayat ti ibibisita, ti mangipapaay iti pannaripato iti salun-at ket:
 - Iwayatna ti pisikal nga eksaminasionken imiunisasion;
 - Sungbatanna dagiti saludsodyo ken ti ubingmo maipapan iti salun-at ken pagimbagan; ken
 - Kompletuen ti Pormulario 14
- Isumite ti nakompleto a Pormulario 14 iti eskuelaan a sumrekan ti ubingmo para iti maikapito a grado

Ti pisikal a pannakaeksamen, masapul a makompleto iti uneg ti 12 a bulan sakbay ti panangrugi ti maikapito a grado. Dagiti estudiante nga awanan kadagiti masapsapul nga imiunisasion iti umuna nga aldaw ti maikapito a grado, agrisgo a mailaksid iti eskuelaan. Ipakaammo iti eskuelaan no masapulmo pay ti ad-adu nga oras a mangiyeskedul iti oras ti ibibisita ti ubingmo iti doktor.

Para iti ad-adu pay nga impormasion, bisitaen ti <https://health.hawaii.gov/docd/vaccines-immunizations/school-health-requirements/>.

Agyamankam iti panangsuportayo iti salun-at ti anakyo!